

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR S SUBRAMANIAM
MENTERI KESIHATAN MALAYSIA**

PERTANYAAN : LISAN
DARIPADA : YB TUAN KHOO SOO SEANG [TEBRAU]
TARIKH : 24 MEI 2016
SOALAN :

Tuan Khoo Soo Seang [Tebrau] minta **MENTERI KESIHATAN** menyatakan setakat suku pertama 2016, adakah sebarang kes virus "Zika" telah direkodkan dan sejauh manakah Kementerian telah jalankan kajian dan penyelidikan (R&D) sebagai langkah mengatasi masalah penularan wabak ini di Malaysia.

Tuan Yang di-Pertua,

Kementerian Kesihatan Malaysia melalui Unit Virologi, Institut Penyelidikan Perubatan sedang menjalankan kajian surveilan mengetahui tahap penularan virus zika di Malaysia serta menentukan samada kes microcephaly di Malaysia mempunyai kaitan dengan virus zika. Setakat ini, sepanjang tempoh kajian yang bermula dari Februari 2016, tiada kes penyakit zika di Malaysia serta tiada kes microcephaly yang mempunyai kaitan dengan virus zika.

Tuan Yang di-Pertua,

Sehingga awal bulan Mei 2016, tiada kes Zika yang dilaporkan di negara ini. Ini berdasarkan hasil pemantauan Kementerian Kesihatan Malaysia (KKM) terhadap kes-kes yang mengalami tanda-tanda seperti jangkitan virus Zika yang mana telah dilakukan ujian darah di Makmal Kesihatan Awam Kebangsaan (MKAK) dan Institut Penyelidikan Perubatan (IMR). Sejumlah 465 ujian sampel darah yang telah dilaksanakan bermula dari Jun 2015 sehingga 27 April 2016 dan semua keputusannya adalah negatif untuk virus Zika.